

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

ԻՐԱՎԱԳԻՏՈՒԹՅԱՆ ՖԱԿՈՒԼՏԵՏ

ԵՊՀ իրավագիտության ֆակուլտետի
ասպիրանտների և հայցորդների
նստաշրջանի
նյութերի ժողովածու

2(2) 2018

Երևան
2019

Հրատարակության է երաշխավորել Երևանի պետական
համալսարանի գիտական խորհուրդը

Գլխավոր խմբագիր՝

իրավ. գիտ. դոկտոր, պրոֆեսոր,
ՀՀ ԳԱԱ ակադեմիկոս Գ. Ս. Ղազինյան

Խմբագրակազմ՝

*իրավ. գիտ. դոկտոր,
պրոֆեսոր Ա. Հ. Գաբուզյան
իրավ. գիտ. դոկտոր,
պրոֆեսոր Ս. Ա. Դիրանդյան
իրավ. գիտ. դոկտոր,
պրոֆեսոր Գ. Բ. Դանիելյան
իրավ. գիտ. դոկտոր,
պրոֆեսոր Ա. Ս. Հայկյանց
իրավ. գիտ. դոկտոր,
պրոֆեսոր Ա. Գ. Վաղարշյան
իրավ. գիտ. դոկտոր,
պրոֆեսոր Վ. Դ. Ավետիսյան
իրավ. գիտ. դոկտոր,
պրոֆեսոր Վ. Վ. Ստեփանյան
իրավ. գիտ. թեկնածու,
դոցենտ Կ. Ա. Գևորգյան
իրավ. գիտ. թեկնածու,
դոցենտ Ս. Գ. Մեղրյան*

Հիմնադիր և հրատարակիչ՝
Երևանի պետական
համալսարան

Խմբագրության հասցեն՝ ՀՀ,
0025, Երևան, Ալեք
Մանուկյան 1, ԵՊՀ
իրավագիտության
ֆակուլտետ
Հեռ.՝ 060-71-02-43

Էլ. կայք՝ publications.ysu.am
publishing.ysu.am

Խմբագրությունը կարող է
հրապարակել նյութեր՝
համամիտ չլինելով
հեղինակների
տեսակետներին:

e-mail: law@ysu.am
Տպագրական 26,25 մամուլ:

Տպաքանակը՝ 100
Հանձնված է շարվածքի՝
15.01.2019

Հանձնված է տպագրության՝
02.05.2019

ԲՈՎԱՆԴԱԿՈՒԹՅՈՒՆ

Գևորգ Վիրաբյան

ՊԵՏՅՈՒՄՊՅԻԱՆԵՐԻ ՈՒՍՈՒՄՆԱՍԻՐՈՒԹՅԱՆ
ՄԵԹՈԴԱԲԱՆԱԿԱՆ ՀԻՄՆԱԽՆԴԻՐՆԵՐԸ7

Ռոզա Աբաջյան

«ՄՈՑԻԱԼԻՍՏԱԿԱՆ ԴԵՄՈԿՐԱՏԻԱՅԻ» ՀԱՅԵՑԱԿԱՐԳԸ ԵՎ
ԱՆՄԻՋԱԿԱՆ ԺՈՂՈՎՐԴԱԻՇԽԱՆՈՒԹՅԱՆ ՁԵՎԵՐԻ
ՀԻՄՆԱՀԱՐՑԸ ԽՈՐՀՐԴԱՅԻՆ ԱՌԱՋԻՆ ՄԵՐՆԴԻ
ՍԱՀՄԱՆԱԴՐՈՒԹՅՈՒՆՆԵՐՈՒՄ (1918-1926 ԹԹ.).....42

Տաթևիկ Նահապետյան

ԴԻՍՈՒՍԸ ՈՐՊԵՍ ՎԱՐՉԱԿԱՆ ՎԱՐՈՒՅԹԻ ՀԱՐՈՒՑՄԱՆ
ՀԻՄՔ52

Մոսե Բարսեղյան

ՀԱՆՐԱՅԻՆ ԻՇԽԱՆՈՒԹՅԱՆ՝ ՄԱՐԴՈՒ ՀԻՄՆԱԿԱՆ
ԻՐԱՎՈՒՆՔՆԵՐՈՎ ԵՎ ԱՋԱՏՈՒԹՅՈՒՆՆԵՐՈՎ
ՍԱՀՄԱՆԱՓԱԿՎԱԾՈՒԹՅԱՆ ԱՌԱՆՑՔԱՅԻՆ ՈՐՈՇ
ՀԱՐՑԱԴՐՈՒՄՆԵՐ.....63

Արմինե Դանիելյան

ՎԱՐՉԱՐԱՐՈՒԹՅԱՄԲ ՊԱՏՃԱՌՎԱԾ ՎՆԱՍԻ ՀԱՏՈՒՑՄԱՆ
ԱՐԴԻ ՀԻՄՆԱԽՆԴԻՐՆԵՐԸ77

Մոսի Ալեքսանյան

ՄԱՐԴՈՒ ԻՐԱՎՈՒՆՔՆԵՐԻ ՊԱՇՏՊԱՆՈՒԹՅՈՒՆՆ ԱՐՑԱԽԻ
ՀԱՆՐԱՊԵՏՈՒԹՅԱՆ ՆԱԽԱԳԱՀԻ ԿՈՂՄԻՑ.....88

Քրիստինե Գաբուզյան

ՀԱՅՑԱՅԻՆ ՎԱՂԵՄՈՒԹՅԱՆ ԻՆՍՏԻՏՈՒՏԻ ԷՈՒԹՅՈՒՆԸ.....101

Արթուր Վարդանյան

ԿՈՈՊԵՐԱՏԻՎԸ ՈՐՊԵՍ ԻՐԱՎԱԲԱՆԱԿԱՆ ԱՆՁԻ
ՅՈՒՐԱՀԱՏՈՒԿ ՏԵՄԱԿ.....122

Եվա Սադոյան	
ԶԲՈՍԱՇՐՋԱՅԻՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՊԱՅՄԱՆԱԳՐԻ ԻՐԱՎԱԿԱՆ ԲՆՈՒՅԹԸ	137
Ռուբինա Պետրոսյան	
ԽՆԱՄԱԿԱԼՈՒԹՅՈՒՆԸ ԵՎ ՀՈԳԱԲԱՐՁՈՒԹՅՈՒՆԸ, ԽՆԱՄԱՏԱՐ ԸՆՏԱՆԻՔԸ ՈՐՊԵՍ ԱՌԱՆՅ ԾՆՈՂԱԿԱՆ ԽՆԱՄՔԻ ՄՆԱՅԱԾ ԵՐԵԽԱՆԵՐԻ ԽՆԱՄՔԻ ԵՎ ԴԱՍՏԻԱՐԱԿՈՒԹՅԱՆ ԿԱԶՄԱԿԵՐՊՄԱՆՆ ՈՒՂՂՎԱԾ ԻՆՍՏԻՏՈՒՏՆԵՐ (ԻՐԱՎԱՀԱՄԵՄԱՏԱԿԱՆ ՎԵՐԼՈՒԾՈՒԹՅՈՒՆ)	153
Մամինե Պետրոսյան	
ԸՆԴՀԱՆՈՒՐ ԲԱԺՆԱՅԻՆ ՍԵՓԱԿԱՆՈՒԹՅԱՆ ՆԵՐՔՈ ԳՏՆՎՈՂ ԳՈՒՅՔԻ ՏՆՕՐԻՆՈՒՄԸ	178
Աշխեն Սողոմոնյան	
ՏՆՏԵՍԱԿԱՆ ԸՆԿԵՐՈՒԹՅԱՆ ԼՈՒԾԱՐՄԱՆ ՀԻՄՔԵՐԸ ԵՎ ԴՐԱՆՅ ԴԱՍԱԿԱՐԳՈՒՄԸ	192
Էդգար Կարապետյան	
ԱՆՉԱՓԱՀԱՍՆԵՐԻ ՆԿԱՏՄԱՄԲ ԿԱՏԱՐՎՈՂ ԲՈՒՆԻ ՍԵՌԱԿԱՆ ՀԱՆՑԱԳՈՐԾՈՒԹՅՈՒՆՆԵՐԻ ԿԱՌՈՒՅՎԱԾՔԸ, ՎԻՃԱԿԸ ԵՎ ՇԱՐԺԸՆԹԱՅԸ ՀՀ-ՈՒՄ	210
Նունե Հայրապետյան	
ՍԵԴԻԱՑԻԱՅԻ (ՀԱՇՏԱՐԱՐՈՒԹՅԱՆ) ԻՐԱԿԱՆԱՑՈՒՄԸ ՈՐՊԵՍ ՊՐՈԲԱՅԻՈՆ ԾԱՌԱՅՈՒԹՅՈՒՆՆԵՐԻ ԳՈՐԾԱՌՈՒՅԹ.....	222
Լիանա Եղիգարյան	
ՊԱՏԻԺՈՒ ՊԱՅՄԱՆԱԿԱՆՈՐԵՆ ՉԿԻՐԱՌԵԼԻՄ ՍԱՀՄԱՆՎԱԾ ՓՈՐՁԱՇՐՋԱՆԻ ՎԵՐԱՑՄԱՆ ՀԻՄՔԵՐԻ ԵՎ ԴՐԱՆՅ ՔՐԵԱԻՐԱՎԱԿԱՆ ՀԵՏԵՎԱՆՔՆԵՐԻ ՎԵՐԱԲԵՐՅԱԼ ՈՐՈՇ ԳՈՐԾՆԱԿԱՆ ՀԱՐՑԵՐ.....	233

Ռոզա Աբրահամյան

ԱՆՉԱՓՈՒՄ ԴԱՏԱՊԱՐՏՑԱԼՆԵՐԻ ՆԿԱՏԱՄԲ
ԱԶԱՏԱԶԳԿՄԱՆ ԿԻՐԱՌՄԱՆ ՏԱՐԲԵՐԱԿՄԱՆ ԵՎ
ԱՆՀԱՏԱԿԱՆԱՑՄԱՆ ՀԱՐՑԵՐԻ ԻՐԱՎԱԿԱՆ
ԿԱՐԳԱՎՈՐՈՒՄԸ.....247

Սրբուհի Գալյան

ԻՐԱՎԱԲԱՆԱԿԱՆ ԱՆՁԱՆՑ ՆԿԱՏԱՄԲ ԿԻՐԱՌՎՈՂ
ՊԱՏԻՇՆԵՐԻ ՀԱՄԱԿԱՐԳԸ.....259

Տիգրան Ղազարյան

ՄԱՍՆԱՎՈՐ ՄԵՂԱԴՐԱՆՔԻ ԳՈՐԾԵՐՈՎ ՔՐԵԱԿԱՆ ՎԱՐՈՒՅԹ
ՆԱԽԱՁԵՌՆԵԼՈՒ ՀԻՄՆԱԽՆԴԻՐՆԵՐԸ.....269

Անի Դանիելյան

ՆԱԽՆԱԿԱՆ ԴԱՏԱԿԱՆ ՎԵՐԱՀՄԿՈՂՈՒԹՅԱՆ ԱՌԱՐԿԱՅԻ
ՀԻՄՆԱՀԱՐՑԵՐԸ ՀՀ ՔՐԵԱԿԱՆ ԴԱՏԱՎԱՐՈՒԹՅՈՒՆՈՒՄ.....293

Առնուլդ Վարդանյան

ԲԺՇԿԱԿԱՆ ԲՆՈՒՅԹԻ ՀԱՐԿԱԴՐԱՆՔԻ ՄԻՋՈՑՆԵՐԻ
ԿԻՐԱՌՄԱՆ ՎԱՐՈՒՅԹԻ ԱՌԱՆՁԻՆ ՏԵՍԱԿՆԵՐԻ
ՏԱՐԲԵՐԱԿՄԱՆ ՀԻՄՆԱՀԱՐՑԵՐԸ.....310

Անի Զիլինգարյան

ՊԱՐՏԱՎՈՐԵՑՄԱՆ ԵՎ ՈՉ ԻՆՔՆՈՒՐՈՒՅՆ ՎԻՃԱՐԿՄԱՆ
ՀԱՅՑԵՐԻ ՀԱՐԱԲԵՐԱԿՑՈՒԹՅՈՒՆԸ327

Լիլիթ Պետրոսյան

«EX OFFICIO» ՄԿՁԲՈՒՆՔԻ ԻՐԱՑՄԱՆ
ԱՌԱՆՁՆԱՀԱՏԿՈՒԹՅՈՒՆՆԵՐԸ ՎԵՐԱՔՆՆՈՒԹՅԱՆ
ՓՈՒԼՈՒՄ340

Անի Միքայելյան

ԸՆԴԴԱՏՈՒԹՅԱՆ ԿԱՆՈՆՆԵՐԻ ԽԱԽՏՄԱՆ ՀԵՏԵՎԱՆՔՆԵՐԸ
ՔԱՂԱՔԱՑԻԱԿԱՆ ԳՈՐԾԻ ՀԱՐՈՒՑՄԱՆ ՓՈՒԼՈՒՄ.....354

Տիգրան Դադունց

ՔԱՂԱՔԱՑԻԱԿԱՆ ԴԱՏԱՎԱՐՈՒԹՅԱՆ ՇՐՋԱՆԱԿՆԵՐՈՒՄ
ՕՏԱՐԵՐԿՐՅԱ ԱՆՁԱՆՑ ՀՈՂԱՅԻՆ ԻՐԱՎՈՒՆՔՆԵՐԻ ԴԱՏԱԿԱՆ
ՊԱՇՏՊԱՆՈՒԹՅԱՆ ՈՐՈՇ ՀԱՐՑԵՐ370

Տաթևիկ Սարուխանյան

ՀԱՇՏԱՐԱՐՈՒԹՅԱՆ՝ ՈՐՊԵՄ ՎԵՃԵՐԻ ԼՈՒԾՄԱՆ
ԱՅԼԸՆՏՐԱՆՔԱՅԻՆ ԸՆԹԱՑԱԿԱՐԳԻ ԷՈՒԹՅՈՒՆՆ ՈՒ
ԱՌԱՆՁՆԱՀԱՏԿՈՒԹՅՈՒՆՆԵՐԸ386

Գրիգոր Չոբանյան

ՊԵՏՈՒԹՅՈՒՆՆԵՐԻ ԻՆՔՆԻՇԽԱՆՈՒԹՅՈՒՆԸ ԺԱՄԱՆԱԿԱԿԻՑ
ԳԼՈՔԱԼԻԶՄԱՆ ՊԱՅՄԱՆՆԵՐՈՒՄ405

**«ՍՈՑԻԱԼԻՍՏԱԿԱՆ ԴԵՄՈԿՐԱՏԻԱՑԻ» ՀԱՅԵՑԱԿԱՐԳԸ ԵՎ
ԱՆՄԻՋԱԿԱՆ ԺՈՂՈՎՐԴԱԲՇԽԱՆՈՒԹՅԱՆ ՁԵՎԵՐԻ
ՀԻՄՆԱՀԱՐՑԸ ԽՈՐՀՐԴԱՅԻՆ ԱՌԱՋԻՆ ՄԵՐՆԻ
ՄԱՀՄԱՆԱԴՐՈՒԹՅՈՒՆՆԵՐՈՒՄ (1918-1926 թթ.)**

Ռոզա Աբաջյան¹

Առաջին հանրապետությունից հետո XX դարում հայոց պետականության հաջորդ փուլը Հայկական Սոցիալիստական Խորհրդային Հանրապետությունն է (1920-1990 թթ.), որն արդի քաղաքական իրավական բառապաշարում ընդունված է անվանել Հայաստանի երկրորդ հանրապետություն: Մինչ այս հանրապետությունում անմիջական ժողովրդաիշխանության ձևերի հիմնահարցի ուսումնասիրությանն անցնելը և դրանց համատեքստում երկրորդ հանրապետությունում իշխանության իրականացման կառուցակարգը գնահատելն ու տիպաբանելը փորձենք պարզել մեր հետազոտական ինդրի համար նախադրյալի դեր կատարող որոշ տեսական հիմնահարցեր:

Դրանցից հատկապես կարևոր են՝

ա) ժողովրդավարության զանազան տեսությունները (տեսլականները),

բ) սոցիալիստական կոչված ժողովրդավարության էությունը,

գ) անմիջական ժողովրդաիշխանության ձևերի սահմանադրական-իրավական ամրագրման նորմատիվ պատմությունը և դրա տեղի ու դերի գնահատականը համապատասխան մասնագիտական գրականության մեջ:

Հանրաքվեի և անմիջական ժողովրդաիշխանության այլ ձևերի նկատմամբ մարքսիստական մոտեցման առանձնահատկությունները հասկանալու համար պետք է նախ իմանալ, որ կառավարման անմիջական ձևերն անխզելիորեն կապված են ավելի լայն ու խորքային երևույթի՝ ժողովրդավարության և այդ երևույթն արտահայտող տեսական մոտեցման հետ: Այստեղ բարդություններն առաջանում են այն պատճառով, որ նախ «ժողովրդավարություն» եզրույթը կամ հասկացությունը պատմականորեն միանշա-

¹ ԵՊՀ պետության և իրավունքի տեսության ու պատմության ամբիոնի հայցորդ, գիտական ղեկավար՝ ի. գ. դ., պրոֆեսոր Ա. Գ. Վաղարշյան:

նակ չէ և աչքի է ընկնում բազմիմաստությամբ: Մյուս կողմից՝ խնդիրն էլ ավելի է խճճվում, որովհետև և՛ պատմականորեն, և՛ արդի շրջանում բազմազան են նաև այն տեսությունները, որոնք փորձում են արտացոլել, մեկնաբանել ու բացատրել ժողովրդավարությունը: Այսինքն՝ արդի քաղաքական տեսության մեջ գոյություն ունեն ժողովրդավարության բազմաթիվ հայեցակարգեր, իսկ այդ բազմազանությունն էական ազդեցություն է թողնում հանրաքվեի և անմիջական ժողովրդավարության այլ ձևերի նկատմամբ տեսական վերաբերմունքի վրա, որն էլ իր հերթին առաջացնում է գործնական կիրառման ընդունելի կամ անընդունելի լինելու խնդիրը: Այստեղից բխում է, որ հասկացությունները հիմնարար նշանակություն ունեն տեսության և պրակտիկայի համար: Եթե այս դատողությունն անալոգիայի կարգով տեղափոխենք մեր հետազոտության ոլորտ, ապա կարող ենք ասել. «Ասե՛ք՝ ինչ է ժողովրդավարությունը, և դուք կստանաք «ի՞նչ է հանրաքվեն՝ որպես սոցիալական և իրավական ինստիտուտ» հարցի պատասխանը»:

Ժողովրդավարության ամեն մի տեսական յուրահատուկ վերաբերմունք ունի ժողովրդավարության ինստիտուտների նկատմամբ, որոնք կարող են համընկնել, բայց կարող են նաև չհամընկնել, նույնիսկ հակասել: Արդի աշխարհում գոյություն ունեն ժողովրդավարության բազմաթիվ տեսություններ¹: Դրանցից մեկն էլ մարքսիստական քաղաքական-իրավական գաղափարախոսության կողմից մշակված ժողովրդավարության տեսությունն է, որը իրենք՝ մարքսիստները, կոչեցին սոցիալիստական ժողովրդավարություն:

Սոցիալիստական ժողովրդավարությունը մարքսիստական հեղինակների կողմից բնութագրվում էր որպես պատմական նոր տիպի ժողովրդավարություն, որն էականորեն տարբերվում է ժողովրդավարության այլ տեսակներից: Մեծամասնականները, մեղադրելով ժողովրդաիշխանության ազատական տեսությանը ժողովրդաիշխանության անմիջական ձևերը, հատկապես հանրաքվեն բուրժուազիայի իշխանության քաղաքական-իրավական գործիքի վերածելու մեջ, իրենք ևս դրանք դարձրին քաղաքական պայ-

¹ Տե՛ս **Бегунов Ю., Лукашев А., Пониделко А.**, 13 теории демократии, М., ozon.ru, 2002, 240 էջ:

քարի մարտավարական խնդիրներ լուծելու միջոց: Այսպես՝ նրանք ընդհանուր առմամբ մերժում էին հանրաքվեն՝ որպես պետաիրավական ինստիտուտ, սակայն սկսեցին լայնորեն կիրառել հարմար իրադրություններում՝ իրենց քաղաքական խնդիրները լուծելու համար: Վ. Լենինն իր «Սոցիալիստական հեղափոխությունը և ազգերի ինքնորոշման իրավունքը» աշխատության մեջ ճանաչում էր ազգի ինքնորոշման իրավունքը, որը նշանակում էր «աջատվելու համար քարոզչության լրիվ ազատություն և անջատման հարցի լուծումն անջատվող ազգի հանրաքվեի միջոցով»¹:

Խորհրդային իշխանության առաջին տարիներին անցկացվել են ինքնորոշման մի քանի հանրաքվեներ: Խորհրդային առաջին հանրաքվեները միջազգային համաձայնագրերի արդյունք էին: Այդպիսի համաձայնագրերի օրինակ է խորհրդա-ֆինլանդական պայմանագիրը՝ կնքված 1918 թ. մարտի 1-ին, որը նախատեսում էր Պեչենգայի տեղական բնակչության ազատ հարցումը²: Ներքին, այսինքն՝ խորհրդային միության ժողովուրդների փոխհարաբերություններում ևս կիրառվում էր տեղական հարցումների ինստիտուտը: «Բնակչության տեղական հարցումները կատարվում էին ազգային-տարածքային խնդիրների լուծման համար: Դրանք լայնորեն կիրառվում էին խորհրդային իշխանության առաջին տարիներին»³:

Այսպիսով՝ ակնհայտ է հանրաքվեի նկատմամբ մեծամասնական տեսությանը և քաղաքական պրակտիկային բնորոշ հակասականությունը՝ առաջինի կողմից դրա մերժողականակությունը, իսկ

¹ Տե՛ս **Ленин В.И.**, Полн. собр. соч., т. 27, էջ 255:

² Հանրաքվեի անցկացման պահանջ մեծամասնականները դրել են նաև գերմանացիների հետ 1918 թ. վարած բանակցություններում: Հետաքրքիր է, որ խորհրդային հեղինակները որպես հանրաքվեի օրինակ մատնանշում են նաև ՌՄՖՍՀ ժողովրդական կոմիսարների խորհրդի՝ 1918 թ. հունվարի 11-ին ընդունված «Թուրքահայաստանի մասին» դեկրետը, որով ճանաչում էին Արևմտյան Հայաստանի լրիվ ինքնորոշման իրավունքը, ընդհուպ մինչև քաղաքական անջատումը (տե՛ս Советское государственное право/Под ред. А.И. Лепешкина, М., 1971, էջ 174):

³ Խոսքը 1919-1921 թթ. ընթացքում անցկացված խորհրդատվական հանրաքվե-հարցումների մասին է (տե՛ս Советское государственное право /Под ред. А.И. Лепешкина, էջ 174):

երկրորդի կողմից գործնական լայն կիրառումը: Այդ երևույթը հաստատում է, որ մեծամասնականները հանրաքվեն դիտարկում էին որպես քաղաքական-դասակարգային պայքարի միջոց, և դրանկատմամբ նրանց վերաբերմունքը երկակի էր. հանրաքվեի մերժում այնտեղ, որտեղ իրենց այն հարմար չէ քաղաքական խնդիրները լուծելու համար, ճանաչում և կիրառում այն դեպքերում ու պայմաններում, երբ դա իրենց հարմար է:

Այսպիսով՝ «սոցիալիստական ժողովրդավարության» տեսության ազդեցությամբ բացասական էր նաև վերաբերմունքը ժողովրդաիշխանության, ինչպես նաև դրանից բխող անմիջական կառավարման ձևերի նկատմամբ: Այդ ձևերից սոցիալիստական առաջին սերնդի սահմանադրությունները ճանաչեցին միայն ընտրությունները, այն էլ՝ աղճատված կերպով: Հանրաքվեի նկատմամբ իրենց բացասական քաղաքական-իրավական վերաբերմունքն արտահայտելիս մեծամասնական տեսաբանները միշտ վկայակոչում էին Լենինի խոսքերը, որոնք նա ասել էր երկաթուղայինների 1918 թ. համագումարում: Համագումարների մասնակիցների հարցերին պատասխանելիս, թե «արդյոք արդա՞ր էր հիմնադիր ժողովի ցրումն առանց նախնական հանրաքվեի անցկացման», Լենինն ասել էր. «Ո՛չ, ընկերներ՛ր, ո՛չ հանրաքվեով, ո՛չ նոր հիմնադիր ժողովով գործին օգնել հնարավոր չէ... Խորհրդային իշխանությունը չի ստեղծվել ինչ-որ մեկի դեկրետով, ինչ-որ մի կուսակցության որոշմամբ, որովհետև այն կազմվել է հեղափոխական փորձով, միլիոնավոր մարդկանց փորձով...»¹:

Այսպիսի մերժողական վերաբերմունքը հանրաքվեի նկատմամբ իր հիմքում ուներ Ռուսաստանում սոցիալիստական հեղափոխության ռազմական, բռնի ձևը, դրանով պայմանավորված քաղաքացիական պատերազմը, ինչի պատճառով մեծամասնականները վախենում էին ազատ և համընդհանուր ընտրություններից ու հանրաքվեներից²: Դրա վառ ապացույցը համառուսական սահ-

¹ Տե՛ս **Ленин В.И.**, Полн. собр. соч., т. 35, էջ 306: Բացի այս ելույթից՝ Լենինի բացասական վերաբերմունքը հանրաքվեի նկատմամբ արտահայտվել է նրա այլ ելույթներում ու աշխատություններում (տե՛ս **Ленин В.И.**, Полн. собр. соч., т. 30, էջ 201; т. 44, էջ 399):

² Ընդ որում՝ բոլշևիկները չէին թաքցնում այդ հանգամանքը, այլ բացահայտորեն բացատրում էին դա այն ժամանակվա պատմական իրադրու-

մանադիր ժողովի ընտրության փորձն էր, որում մեծամասնականները կազմեցին փոքրամասնություն:

Խորհրդային իշխանության ձևավորման ուղին առաջ բերեց աննախադեպ դիմադրություն բնակչության կողմից, որի բարձրագույն դրսևորումը քաղաքացիական պատերազմն էր: «Այդ դիմադրության մասշտաբների ու սրության մասին կարելի է դատել, օրինակ, 1918 թ. տվյալներով. երեք ամսվա ընթացքում (հուլիս-սեպտեմբեր) հակամեծամասնական ուժերի կողմից գնդակահարվել են խորհրդային իշխանության 10.499 աշխատողներ ու ակտիվիստներ, իսկ երկու ամսվա ընթացքում (հուլիս-օգոստոս) տեղի են ունեցել 73 ապստամբություն, 154 բախումներ, խորհրդային իշխանության դեմ ուղղված 130 այլ ելույթներ»¹:

Կոնկրետ պատմական իրադրության մեջ խորհրդային իշխանության համար ժողովրդավարության անմիջական ձևերից ելնող վտանգը մեծամասնական տեսաբանները վերածեցին սոցիալիստական ժողովրդավարության տեսության դրույթի: Ե՛վ մեծամասնականների տեսական նիհիլիզմը, և՛ ստեղծված քաղաքական իրավիճակը հանգեցրին նրան, որ ՌՍՖՍՀ 1918 թ. Սահմանադրությունը հռչակեց. «Ամբողջ իշխանությունը կենտրոնում և տեղերում պատկանում է բանվորների, գյուղացիների և կարմիր զինվորների պատգամավորների խորհուրդներին»: Ի տարբերություն ազատական «ժողովրդաիշխանության» հայեցակարգի, որի հիմքում ընկած էր ժողովրդի ինքնիշխանության սկզբունքը, «ամբողջ իշխանությունը խորհուրդներին» սահմանադրական դրույթը հիմք հանդիսացավ «խորհուրդների լիիշխանության» սկզբունքի ձևակերպման համար²:

թյամբ՝ «...Դասակարգային սուր պայքարով, քաղաքացիական պատերազմով, օտարերկրյա ռազմական ինտերվենցիայով: Այդպիսի պայմաններում տապալված շահագործողական դասակարգերը կձգտեին հանրաքվեն օգտագործելու իրենց կորցրած դիրքերը ետ վերցնելու համար» (տե՛ս Советское конституционное право/Под ред. С.И. Русановой, В.А. Рянжина, изд. Ленинградского университета, Ленинград, 1975, էջ 174):

¹ Власть Советов, 1918, ном. 25, с. 8 (հղումն ըստ Советское государственное право/Под ред. А.И. Лепешкина, էջ 130-132):

² «Խորհուրդների լիիշխանություն» հասկացության մեջ խորհրդային իրավագիտությունը դնում էր մի քանի առումներ: Նախ՝ խորհուրդները պե-

Խորհրդային նոր ձևավորվող սահմանադրական միտքը չգիտեր «ժողովուրդ» հասկացությունը: Հասարակության դասակարգային կառուցվածքի հայեցակարգի հիման վրա հասարակությունը բաժանելով շահագործող և շահագործվող դասակարգերի՝ այն ժողովրդի միայն մի հատվածին՝ բանվորներին, գյուղացիներին և կարմիրբանակայիններին էր վերապահում «իշխանության» իրավագրություն՝ մնացածներին դուրս թողնելով «իշխանության սուբյեկտ» հասկացության շրջանակներից: Այսպիսի սահմանադրական տեսական հայեցակարգն ուղղակիորեն վերարտադրվեց ՀԽՍՀ 1922 թ. Մահմանադրության մեջ, որի 5-րդ հոդվածը հռչակեց. «Բանվորների և աշխատավոր գյուղացիների հեղափոխական դիկտատուրայի իրականացման նպատակով՝

ա) իշխանությունն ամբողջովին և բացառապես վերապահվում է բանվորներին ու գյուղացիներին և նրանց ընտրած մարմիններին.

բ) շահագործող դասակարգերը զրկվում են ընդհանրապես քաղաքական իրավունքներից և հատկապես քաղաքական պաշտոնակալության իրավունքից»:

Այսպիսի սահմանադրական կարգավորումը ենթադրում էր հասարակական խնդիրների լուծման ու կառավարման միայն մեկ ձև՝ խորհուրդների՝ որպես միջնորդավորված ներկայացուցչական մարմինների և նրանց կողմից հիմնադրված պետական կառավարման այլ մարմինների միջոցով: Անմիջական-ուղղակի կառավարման հնարավոր բոլոր ձևերից այդ Մահմանադրությունը ճանաչում էր միայն ընտրությունը, այն էլ՝ աղճատված, խտրական հիմքերով կառուցված: Եթե հնարավոր լիներ գտնել իշխանությունը

տության քաղաքական հիմքն են, իրականացնում են ժողովրդին պատկանող իշխանությունը, ղեկավարում են իրենց տարածքի հանրային բոլոր գործերը: Երկրորդ խորհուրդներին ենթակա և հաշվետու են բոլոր գործադիր կարգադրիչ մարմինները: Երրորդ՝ գերագույն խորհուրդների ընդունած օրենքները գերակա են այլ նորմատիվ իրավական ակտերի նկատմամբ: Այդ սկզբունքով կոմունիստները մերժում էին իշխանությունների բաժանման բուրժուական գաղափարը և հաստատում պետական իշխանության կենտրոնացում (տե՛ս Советское конституционное право/Под ред. С.И. Русановой, В.А. Рянжина, изд. Ленинградского университета, Ленинград, 1975, էջ 79):

լեզվի տիմացնելու և լեզալացնելու այլ ընդունելի եղանակ, մեծամասնականները երևի թե կիրառարվելին նաև ընտրություններից:

Նույնիսկ ընտրական իրավունքը բոլշևիկները վերածեցին քաղաքական ընդդիմության խնդիրը լուծելու միջոցի ամրագրելով ընտրական իրավունքի սահմանադրական սահմանափակումներ: ՀԽՍՀ 1922 թ. Սահմանադրության 71-րդ հոդվածը սահմանում էր, որ ընտրելու և ընտրվելու իրավունքից զրկվում են՝ ա) վարձու աշխատանքը շահագործողները, բ) անաշխատ եկամուտով ապրողները, գ) մասնավոր առևտրականները և առևտրական միջնորդները, դ) կրոնավորները և կրոնական պաշտամունքի հոգևոր սպասավորները, ե) տապալված կառավարության անդամները և քաղաքական հետախուզության ու ռստիկանության պատասխանատու պաշտոնյաները, խմբապետները ու մատուցողները, զ) սահմանված կարգով տկարամիտ և խելագար ճանաչված, ինչպես նաև խնամակալության տակ գտնվող անձինք, է) օրենքով կամ դատական դատավճռով իրավունքներից զրկման դատապարտված անձինք:

Այսպիսի ընտրական համակարգը դժվար է համարել իշխանության իրականացման անմիջական ձև, որովհետև դրանով ձևավորված ընտրական կորպուսը չէր համընկնում, օրինակ, Առաջին հանրապետության ընտրական կորպուսին, որում արական և իգական սեռի 18 տարին լրացած բոլոր քաղաքացիներն ունեին ընտրելու և ընտրվելու իրավունք: Մյուս կողմից՝ այդ ընտրություններն անուղղակի և անհավասար էին: ՀՄԽՀ 1922 թ. Սահմանադրությունը քաղաքական իրավունքների ոլորտում բանվոր դասակարգին առավելություններ էր տալիս գյուղացիների նկատմամբ: Ընտրական համակարգը ամրապնդում էր բանվոր դասակարգի ղեկավար դերը երկրում: Սահմանադրության 51-րդ հոդվածը ամրագրում էր, որ պատգամավորների խորհուրդների գավառային համագումարը կազմվում է խորհուրդների գավառամասային համագումարների և քաղաքային խորհուրդների ներկայացուցիչներից, ըստ որում՝ թե՛ գյուղի 1000 բնակչից, թե՛ քաղաքի 200 ընտրողից ընտրվում էր մեկ պատգամավոր: Այդ Սահմանադրությունը սահմանում էր նաև ՀՄԽՀ բարձրագույն և միջին օղակի պետական իշխանության մարմինների (խորհուրդների) բազմաստիճան կամ անուղղակի ընտրական համակարգ, իսկ ընթացիկ օրենսդրությու-

նը՝ նաև բաց քվեարկություն՝ ձեռք բարձրացնելով կազմակերպվող: Գյուղական և քաղաքային խորհուրդների ընտրությունները ուղղակիորեն էին կատարվում: Այստեղ ընտրողները խորհուրդների պատգամավորներին ընտրում էին անմիջականորեն ժողովներում: Գյուղական և քաղաքային խորհուրդներն անմիջականորեն ընտրելուց հետո խորհրդում ընտրում էին գավառական խորհուրդների համագումարների պատգամավորներին, իսկ վերջիններս էլ՝ Հայաստանի խորհուրդների համագումարի պատգամավորներին նորից բաց քվեարկությամբ: Հեղափոխական տեռորի և դիկտատուրայի պայմաններում բաց քվեարկությունը բացառում էր ընտրողների կամքի ազատությունը¹:

Նոր ձևավորվող «սոցիալիստական ժողովրդավարության» տեսության հիման վրա սահմանադրորեն ամրագրված իշխանության կառուցակարգը, ըստ էության, մոնիստական հանրային-պետական կառավարմամբ համակարգ էր, որում տեղ չկար կառավարման անմիջական կառուցակարգի (ձևերի) համար: Ռազմահեղափոխական պայմաններում հիմնադրված այդպիսի կառավարման համակարգում իշխանության իրականացման միակ սուբյեկտը պետությունն էր, որ կոչվում էր պրոլետարիատի դիկտատուրա: Կառավարման այս համակարգը որոշակի ձևափոխություններով պահպանեց իր գոյությունը խորհրդային հաջորդ սերնդի սահմանադրական կարգավորման մեջ:

¹ Բազմաստիճան ընտրական համակարգն ընտրյալներին օտար տարրերից զտելու և կոմկուսի դիկտատուրան ապահովելու յուրօրինակ իրավաբանական միջոց էր: Այդ մասին մանրամասն տե՛ս **Վաղարշյան Ա. Գ.**, Հայաստանի սահմանադրական զարգացման որոշ հիմնահարցեր, ԵՊՀ, Երևանի համալսարանի հրատարակչություն, 2003, էջ 103-107:

**КОНЦЕПЦИЯ «СОЦИАЛИСТИЧЕСКАЯ ДЕМОКРАТИЯ» И
ПРОБЛЕМА НЕПОСРЕДСТВЕННЫХ ФОРМ НАРОДОВЛАСТИЯ В
ПЕРВЫХ СОВЕТСКИХ
КОНСТИТУЦИЯХ (1918-1926 гг.)**

Роза Абаджян

Соискатель кафедры теории и истории государства и права ЕГУ

В данной статье рассматривается система власти, основанная на новой формирующей теории «социалистическая демократия», конституционно закрепленной, которая по существу была моногосударственной системой государственного правления. В такой системе правления, созданной в революционных условиях, единственным субъектом власти было государство, называемое диктатурой пролетариата. Эта система правления в определенных модификациях сохранилась и в следующем поколении советского конституционного регулирования.

**THE CONCEPT OF "SOCIALIST DEMOCRACY" AND THE PROBLEM
OF DIRECT FORMS OF DEMOCRACY IN THE FIRST GENERATION
OF SOVIET CONSTITUTIONS (1918-1926)**

Roza Abajyan

**PhD Student at the YSU Chair of Theory and
History of State and Law**

Based on the theory of the newly arising “socialist democracy”, the constitutionally confirmed system of power was essentially a mono-state system of government, in which there was no place for direct forms of government. In such a system of government created in revolutionary conditions, the only subject of power was the state, called the dictatorship of the proletariat. This system of government has retained its existence in the next generation of Soviet constitutional regulation in certain modifications.

Բանալի բառեր՝ ժողովրդաիշխանություն, անմիջական ժողովրդաիշխանության ձևեր, ժողովրդաիշխանության ազատական տեսություն, սոցիալիստական դեմոկրատիա, սահմանադրություն,

ընտրություններ, կառավարման համակարգ, հեղափոխական դիկտատուրա:

Ключевые слова: *народовластие, непосредственные формы народовластия, либеральная теория демократии, социалистическая демократия, конституция, выборы, система правления, революционная диктатура.*

Key words: *democracy, direct forms of democracy, liberal theory of democracy, socialist democracy, constitution, elections, system of government, revolutionary dictatorship.*